

頻伽大藏經

九洲圖書出版社

頻伽大藏經第七冊目錄

○合部大方等大集經續前

七·一

寶幢分第九(七·一) 虛空目分第十(七·四四) 寶髻菩薩品第十一(七·七六) 無

盡意菩薩品第十二(七·九四) 校正後序(七·一四〇) 日密分(七·一四一) 日藏

分(七·一七五) 月藏分(七·二八五) 須彌藏分第十五(七·四一九) 十方菩薩品

第十三(七·四四一)

七·四六三

○阿差末菩薩經

七卷 西晉竺法護譯

七·五一

○大哀經

八卷 同譯

諸菩薩所生莊嚴大會法典品第一(七·五一) 嘆會品第二(七·五一八) 無蓋法門

品第三(七·五二一) 莊嚴法本品第四(七·五二二) 八光品第五(七·五二九) 太

哀品第六(七·五三一) 開化品第七(七·五三二) 道慧品第八(七·五三三) 宣劫

世品第九(七·五三八) 處處品第十(七·五三九) 了三世品第十一(七·五四一)

了衆生所品第十二(七·五四一) 衆種類品第十三(七·五四二) 曉衆生根本品第十

四(七·五四三) 普游品第十五(七·五四四) 一心定意品第十六(七·五四六) 知

衆生本行品第十七(七·五四八) 微視品第十八(七·五四九) 諸漏盡品第十九(七

·五五〇) 四無畏品第二十(七·五五一) 十八不共法品第二十一(七·五五三)

如來道品第二十二(七·五六一) 八總持品第二十三(七·五六四) 往古品第二十四

(七·五七一) 智本慈業品第二十五(七·五七三) 智積菩薩品第二十六(七·五七

七) 嘆品第二十七(七・五七八) 囑累品第二十八(七・五八一)

○寶女所問經

四卷 同譯

七・五八二

問慧品第一(七・五八二) 發意三十二寶品第二(七・五九二) 聰明品第三(七・五

九三) 問寶女品第四(七・五九四) 八力品第五(七・五九六) 十種力品第六(七・

五九七) 四無所畏品第七(七・五九八) 十八不共法品第八(七・五九九) 三十二

相品第九(七・六〇九) 法行品第十(七・六一一) 不退轉品第十一(七・六一三)

大乘品第十二(七・六一四) 囑累品第十三(七・六一六)

○佛說海意菩薩所問淨印法門經

十八卷 宋惟淨等譯

七・六一九

○佛說無言童子經

二卷 西晉竺法護譯

七・七〇〇

○寶星陀羅尼經

十卷 唐波羅頗密多羅譯

七・七二一

降魔品第一(七・二二三) 本事品第二(七・七三〇) 魔王歸伏品第三(七・七三九)

大集品第四(七・七五〇) 相品第五(七・七五九) 陀羅尼品第六(七・七六七) 攝

受妙法品第七(七・七八〇) 授記品第八(七・七八一) 慈愍品第九(七・七八六)

擁護品第十(七・七八七) 護正法品第十一(七・七九一) 阿吒薄俱品第十二(七・

七九六) 諸佛還國品第十三(七・七九九)

大方等大集經卷第十九

北涼天竺三藏曇無讖譯

寶幢分第九魔苦品第一

爾時世尊故在欲色二界中間大寶坊中。與諸眷屬圍繞說法。告大眾言。我昔初得阿耨多羅三藐三菩提時。住王舍城迦蘭陀長者竹林。爾時城中有二智人。一名優波提舍。二名拘律陀。具足成就十八種術。五百弟子常相隨逐。是時二人各相謂言。若有先得甘露味者。要當相惠。時有比丘名曰馬星。於其晨朝從禪定起。入王舍城次第乞食。憂波提舍中路遙見馬星比丘。卽作是念。我久住是王舍城中。初未曾見若人沙門婆羅門等威儀庠序如此人者。我當往問所事。何師從誰受法。時憂波提舍卽往趣彼馬星比丘。作如是言。比丘。汝師是誰從誰受法。馬星答言。善男子。有釋迦牟尼如來大士。勝諸出家無上之尊。已度生死獲得解脫。能度一切無量衆生。名之爲佛。能悟衆生。善作諸行。能乾苦河。具足成就如是等法。卽是我師。我從受法。憂波提舍言。汝師常說何等法義。善男子。汝今諦聽。我當爲汝分別解說。法從緣生。通達是因。緣滅故卽是寂靜。世間卽苦。苦因名集。若修入正世間集滅。若無苦集。我師說言。名爲涅槃。善男子。我師唯說如是等法。憂波提舍聞是語。已得法眼淨。名須陀洹。卽說偈言。

我聞比丘說四諦 卽得過於三惡道 昔來未聞今得聞 我今已過三惡趣
真實了知道非道 我今誠心歸依佛 以能宣說是法故

說是偈已。復語比丘。如是世尊。今住何處。馬星答言。世尊。今在王舍大城迦蘭陀長者竹林之中。與迦葉等千比丘俱。菩薩十千。汝可往彼。憂波提舍言。比丘。我今先當還問同學及我徒衆。時憂波提舍敬意禮拜馬星比丘。右遶三匝。還所住處。拘律陀梵志遙見憂波提舍。卽便問言。憂波提舍。汝今諸根清淨。悅豫顏色光澤。將非獲得甘露味耶。善男子。我已得矣。諦聽諦聽。當爲汝說法。從緣生通達是因。緣滅故卽是寂靜。世間卽苦。苦因名集。若修入正世間集滅。若無苦集。我師說言。名爲涅槃。拘律陀言。善男子。如是之言。能盡諸苦。卽是梵行。能斷邪見。一切因緣。亦說一切有爲皆空。善男子。唯願更說。憂波提舍復如本說。說已。卽得須陀洹果。拘律陀言。如是之言。能過四流。度於生死。通達五陰。永

滅煩惱。是甘露味。我今已得。不宜住此。善男子。如來師者。住在何處。憂波提舍言。我聞住在王舍大城迦蘭陀竹林。爾時憂波提舍及拘律陀。告諸弟子。此間今有釋迦如來。我已諮受其所說法。汝等今者欲何所趣。爾時魔王告諸天衆。鴛伽摩伽陀國有二大人智慧最勝。一名憂波提舍。二名拘律陀。今欲爲彼瞿曇弟子。若此二人從彼瞿曇沙門受法。我境則空。我今欲往轉彼二人出家之心。爾時魔王卽化其身作馬星像。至憂波提舍拘律陀所。而作是言。善男子。我先所說試汝智耳。汝旣無答。釋迦如來眞實不作如是之言。如來常說無善業果無惡業果。若能親近五欲樂者。是人卽得甘露法味。又言無有今世後世。是故無業。若無業者。誰作誰受。旣無種子。云何得果。釋迦如來唯作是說。爾時優波提舍與拘律陀各相謂言。如是語者卽是魔說。非如來語。又非馬星比丘所說。魔知是已。卽便滅去。爾時二人復告弟子摩納。汝常諦觀生老病死。世無免者。我今已能永滅諸苦。汝等今日欲何志求。爾時魔王復更化作馬星形像。而作是言。誰能破壞生老病死。譬如有人說言。我能壞彼虛空。無有是處。若言能壞生老病死。亦復如是。時拘律陀語魔王言。我欲通達清淨之法。遠離諸苦。一切出家。皆悉無有解脫。如是煩惱苦者是故。我今欲詣如來。魔王如野狐鳴。而云。師子吼色。雖相似實非。師子魔王汝今雖作比丘形像。汝之所說。非比丘說。夫比丘者。破諸煩惱。破煩惱語卽是清淨。言無善惡。非比丘語。時虛空中一切諸天各各讚言。善哉善哉。善男子。一切出家。佛道最勝。夫佛道者卽是涅槃。汝今不受魔之所說。善哉善哉。爾時魔王受大苦惱。卽便隱滅。時諸弟子白二師言。如師今受瞿曇沙門無上正法。我等亦爾。當往啓受。時二大師與五百弟子前後圍遶。往迦蘭陀長者竹林。爾時魔王復於其路化作大阮深百由旬。欲令諸人不得詣佛。如來知已。卽以神通令彼二人所見平坦。無有阮嶮。魔復於前化作大山高廣千里。如來神力令其不見。時魔復遣百千師子遮其道。路時諸師子見憂波提舍及拘律陀五百弟子。善心卽生。默然潛伏。諸人卽得前至佛所。到已。頭面禮敬。佛足卻住一面。而白佛言。世尊。惟願如來聽我出家。我欲修佛清淨梵行。佛言。善來諸善男子。恣意修集清淨梵行。作是言已。具比丘戒。爾時魔王見是二人得出家已。卽便化作自在天像。向於佛所而說偈言。

世間若有智慧人 具足成就世方術 悉來禮敬供養我 我亦爲彼說淨道 瞿曇若欲度生死
今當誠心見歸依 我今所說清淨道 如先佛說無有異

我時以偈答魔王言

我眞實知入正道 能永遠離破諸苦
爾時魔王隱自在天像復現梵像而說偈言 汝等眞實不能知 無以狐身師子吼

眞實遠離諸煩惱 能過三千大千界 莫爲衆生受諸苦 應當默然受禪樂
堪任盛受甘露味 我今憐愍故告汝 應當速入於涅槃 世間乃至無一人

我時以偈復答魔王言

我見世間多衆生 能度生死大嶮河 如是上中下品類 先得度已我乃滅

爾時魔王受大憂惱入於苦宅還其所止其諸眷屬各作是言我王何故受是大苦雖作是語無能知者時魔嫁女其數五百身佩瓔珞莊嚴飾好爲魔波旬作諸伎樂歌舞嬉戲以相娛樂波旬以手而遮止之嫁女於是默然而住從二至七魔亦如是遮止至七時有一女名曰電光語波旬言大王何故如是愁惱如失天位火災起耶將無有怨不能壞乎波旬答言我有大怨謂釋種子是大惡人成就幻術若不治者我界則空諸嫁女言彼釋種子以何莊嚴有何道力誰爲伴黨能空王界魔王答言彼人以戒施忍莊嚴無常苦空以爲器甲若壞衆生諸有受生我莫能知其所住處具足無上大神通力大慈大悲而爲伴黨能度一切三有衆生是故能令我界空虛時諸嫁女聞佛功德寶持香華及諸伎樂來至佛所盡心供養是大衆中唯佛見之其餘衆生悉無觀者爾時大衆咸有疑心卽白佛言世尊如是香華伎樂供養將非舍利弗目犍連等力所作耶佛言不也此是波旬五百嫁女供養之具魔王不久當來至此時諸嫁女聞佛語已心生歡喜卽得不失菩提心定爾時嫁女長跪合掌而說偈言

如來永斷諸煩惱 能施衆生淨法眼 令衆生度生死河 是故至心讚歎禮 一切人天讚供養
具足無量無邊智 願佛爲我開方便 令我得解於女身 世尊修大空三昧 了了通達第一諦
具足法寶大商主 願壞魔力調我等
爾時嫁女說偈讚已卽還魔所而說偈言

王之自在非常我 亦未離生老病死 衆苦煩惱繞王身 常行癡闇處惡道 若欲度生老死河

當生信心詣如來 我今欲還至佛所 諮受甘露斷諸味

爾時波旬生大惡心欲以五繫繫諸姦女佛神力故而不能繫時諸姦女卽還佛所波旬眼見不能遮止復於空中作毗嵐風欲令諸女處處散滅不見於佛以佛力故不能令壞爾時魔王啼哭懊惱以大音聲告其妻子我今喪失大神通力有一毒樹今出於世爲諸衆生說於斷滅成就大幻有巧方便魔諸眷屬聞是語已悉來聚集至魔王所大王何故生大愁苦既無退相又無火災欲界之中亦無怨敵魔王言子汝今不見世有一人坐菩提樹壞四兵聚猶如猛火焚燒乾草世間所有一切智人今已歸屬如此卽是我之怨敵汝今不見五百姦女捨我而去歸依彼耶汝等若不治彼釋子如此三千大千世界不久當空汝等各當牢自莊嚴咸共盡力除彼釋子魔子言曰善哉大王我當莊嚴盡其神力若我能除善哉快矣如其不能復當歸依魔王復曰惡人汝今云何發如是言大王瞿曇沙門往獨一已坐菩提樹猶難沮壞況今眷屬無量殷多而可除滅魔王言愛子若能殺彼瞿曇沙門甚善甚善如其不能自守土境爾時四兵其數無量滿閻浮提高八十由延放大惡風降注大雨手拍須彌動四天下出大惡聲如大龍王夜叉諸鬼振動一切河池泉源一切龍鬼人天之等咸皆怖畏心驚毛豎時彼魔衆於須彌山取一大石欲令覆蓋王舍大城迦蘭陀林諸善男子我於爾時卽入破魔力勢三昧魔子爾時所雨刀稍箭石火毒以我力故皆悉變爲憂鉢羅華鉢頭摩華拘勿頭華分陀利華墮王舍城復雨種種微妙好香變是惡聲作如來聲法聲僧聲神通之聲波羅蜜聲不退轉聲菩薩之聲破四魔聲涅槃音聲壞其惡風令無遺餘其土所有一切草木悉皆變爲微妙七寶我身爾時高至初禪三十二相八十種好放大光明悉照三千大千世界其中所有一切天人諸龍夜叉阿修羅迦樓羅緊那羅摩睺羅伽人非人等地獄畜生餓鬼等類皆見我身無量諸天大設供養華香幡蓋伎樂之屬三惡衆生稱南無佛卽得解脫受人天身爾時魔衆見佛示現如是神力皆生信心生信心已卽說偈言

我今歸依於如來 淨身口意無上智 能示魔界入正道 施闇衆生大光明 具足大力無能勝
等視一切如子想 其心平等如虛空 故我稽首大商主 煩惱不汙修慈悲 獲得吉祥示因果

能施衆生眞解脫 是故我今稽首禮 大慈大悲天中天 最勝無上之世尊 說一切法如水月

我今敬禮大幻師 衆生遇重煩惱病 是故歸依大醫王 三惡衆生貧七財 今當歸依離諸漏

唯願哀愍聽我懺 於佛所生諸惡心 佛是衆生慈父母 我今棄捨諸魔業 我能請召諸衆生

爲其發起菩提心 願爲我說無上道 具足何等得菩提 我今獻奉妙香華 爲衆生故供養佛

親近善友善思惟 至心聽受如法住

爾時五百嫫女及魔眷屬以妙香華幡蓋伎樂供養於我此供養具遍至無量恒河沙等諸佛世界一時供養無量諸佛一切魔衆悉皆覩見一切諸佛形色修短方圓之相等無有異唯師子座世界樹林所居舍宅差別不同魔衆見已各心歡喜坐於佛邊至心聽法聽受法已還波旬所啓白魔言我等往至彼瞿曇所盡其神力乃至不能令一毛動大王當知我今已屬瞿曇沙門爾時波旬心惡生瞋卽作是念我當云何殺彼釋子除滅此怨爾時波旬及其眷屬心生憂惱入於苦宅

寶幢分中往古品第二

爾時魔衆復還我所而白我言世尊我欲大乘念於大乘欲具神通大慈大悲世尊菩薩摩訶薩具足幾法不近惡友速得成就阿耨多羅三藐三菩提善男子菩薩摩訶薩具足四法不近惡友速得成就阿耨多羅三藐三菩提何等爲四一者若有菩薩不貪諸法不捨諸法不受諸法不覺諸法亦無有我及以我所想行於布施不求果報不生貪著不捨不取亦無覺知我所想乃至般若亦復如是二者若有菩薩不見衆生壽命士夫亦復不捨於衆生界不貪不取亦無覺知我所想三者若有菩薩不見色聲香味觸法不捨色聲香味觸法不捨不取亦無覺知我所想四者若有菩薩能深觀察如是等法於佛正智不生覺觀何以故斷一切行斷一切智名爲佛智無有無乘無聲無想無字無有無量無生無出無滅無想無礙無障無見寂靜無我無命無名無明無闇無處無界無根無翅無有思惟無食無貪無淨無垢無塵無節無邊無數無行無受無業無宅無取無作無可顯示無念念滅卽是佛智猶如虛空如空無覺不可宣說無有染著無有覺知善男子菩薩具足如是等法不親惡友速得成就阿耨多羅三藐三菩提善男子若有能

求如是智慧。當知是人能觀二法。所謂眼色。乃至意法。復有二法。生死涅槃。復有二法。一生二有。復有二法。一常二斷。復有二法。衆生壽命。復有二法。一此二彼。復有二法。一內二外。諸善男子。若有欲求如是佛智。離是二法。觀異法者。當知是人則不能得。善男子。譬如有人求火取水。求水取火。求食取石。求華取鐵。求香取屎。求衣取木。求於塗香而取虛空。求佛智者。若離是二。更觀異法。亦復如是。是時寶坊大會之中。有一菩薩名曰地意。聞是語已。白佛言。世尊。不可說義可覺。知不若不可覺。云何得名一切智耶。善男子。不可說智。卽一切智。善男子。我今問汝。隨汝意答。於意云何。我得如來一切智時。有所得。不地意菩薩。卽便思惟。我若說有。卽是常見。如其說無。卽是斷見。我等當遠離如是二邊。說於中道。思惟是已。白佛言。世尊。如是義者。亦有亦無。世尊。若不出滅。無數無量。非明非闇。卽是佛智。電意菩薩言。世尊。若無去來。卽是佛智。善見菩薩言。世尊。無得無離。無證無修。卽是佛智。無盡意菩薩言。世尊。若不分別。凡法聖法。學無學法。聲聞緣覺。界非是三結。三智三乘。陰入界等。無有增減。卽是佛智。金剛意菩薩言。世尊。若不分別。凡法聖法。學無學法。聲聞緣覺。及以佛法。卽是佛智。堅意菩薩言。世尊。如法無轉。卽是佛智。寶手菩薩言。世尊。若觀諸法。生壞之相。觀已通達。知無得失。卽是佛智。善覺意菩薩言。世尊。三界衆生。從意觀意。亦不覺意。卽是佛智。分別怨親。菩薩言。世尊。若有人能不樂煩惱。不厭煩惱。不愛不瞋。不捨不求。不施不念。卽是佛智。蓮華子菩薩言。世尊。不樂罪福。得深法忍。不覺不知。我及我所。若不覺知。我我所者。卽是佛智。月光童子菩薩言。世尊。若能觀察一切諸法。猶如水月。亦不見法。有增有減。卽是佛智。無邊意童子菩薩言。世尊。若於諸法。不見明闇。於一切心。不見生滅。卽是佛智。彌勒菩薩言。世尊。若能觀察四種梵行。及不善行。平等無二。卽是佛智。無盡意菩薩言。世尊。若觀三世六波羅蜜。二相無差。卽是佛智。文殊師利童子菩薩言。世尊。若於諸法。心無貪瞋。亦觀諸法。甚深境界。亦不了知。非不了知。亦不觀法。有增有減。不觀智慧。及以無明。卽是佛智。爾時衆中。有一菩薩名曰樂欲。語文殊師利言。善男子。如來世尊。以何因緣。說如是等甚深之義。文殊師利言。善男子。爲令衆生遠離邪見。得正見。故得正見。已不生染著。無有慳吝。不近惡友。正命自活。不著三結。憊惡衆生。不著三寶。不誑一切。於諸衆生。不捨不著。不著財物。不著三界。衆生怖畏。能爲救護。能壞惡道。開示正路。不著忍辱。離一切想。滅一切垢。除一切闇。不求果報。善男子。以是因緣。求一切智。得是智已。於聲字句。不生覺觀。佛語邪語。佛行餘行。佛法餘

法陰界諸入功德莊嚴智慧莊嚴。十波羅蜜三解脫門。業之與果世智佛智。於如是法不生分別。是故如來說如是等甚深之義。樂欲菩薩言。善哉善哉。文殊師利。實如所言。甚深義者。即是佛智。何以故。無所覺故。若無所覺。故不可說。不可說者。即是佛智。若有能知。是不可說。當知是人。即得佛智。佛言。善哉善哉。善男子。善能分別宣說佛智。何以故。不著諸法。不生不滅。即是佛智。善男子。不著諸法。即不出邊。不破壞邊。無明涅槃。真無出邊。虛空涅槃。一切諸法。一切眾生。不可說邊。是虛空邊。無罣礙邊。無有物邊。無有陰邊。三行空邊。法陰業陰。果非果陰。聚陰。無物。無物邊。虛空邊。一切諸法。不可說邊。菩薩摩訶薩。若能具足如是等邊。即得佛智。說是佛智。不可說時。一切魔眾。得無生法。忍捨於羣身。獲得細身。隨心意。身法化之身。復有二萬八千眾生。於諸法中。得無生忍。九萬二千菩薩。得無量陀羅尼。一切眾魔。以妙香華。伎樂。供養讚誦。如來。作如是言。世尊。善知識者。即是一切善法根本。我今遇佛。善知識。故得大利益。佛告善男子。汝當至心觀於諸業。爾時世尊。即為眾會說過去業。善男子。過去無量阿僧祇劫。劫名電持。時世眾。生壽命滿足六萬八千世界。名曰妙香光明。是中有佛號香功德如來。應正遍知。明行足。善逝。世間解。無上士調御丈夫。天人師。佛世尊。爾時彼世。具足五淨。有轉輪王。名曰華日王。四天下。與諸眷屬。大臣。人民。至於佛所。以妙香華。幡蓋。伎樂。供養於佛。比丘僧。敬意禮拜。右遶三匝。以偈讚佛。

佛為人天所讚歎

遠離諸惡樂寂靜

具足七財破貧窮

云何令眾得深智

修集三種解脫門

已得離生老病死

能度三惡道諸生

云何令眾過魔業

佛言大王。具足三法。得甚深智。何等為三。一者。至心緣念一切眾生。二者。修集大悲。破眾生苦。三者。見一切法。無有眾生壽命士夫。不生分別。又有三法。能過魔業。一者。於諸眾生。不生惡心。二者。修行施時。不觀福田。及非福田。三者。觀一切法平等。無二。猶如虛空。不生不滅。無行無物。無有相貌。不可宣說。菩薩具足如是等法。得甚深智。能過魔業。爾時聖王。有一夫人。名曰善見。與八萬四千諸姝女。俱共供養佛。既供養已。即說偈言。

大千世界無勝者

常樂寂靜修子想

善行遠離諸塵垢

云何令我離女身

已得遠離一切怨

真實見生老病死

唯願為我演說道

令我具足男子身

離諸有得無上有

能施歡喜增善法

具足十力四無畏 云何令我離女身 摧滅四魔修四梵 實語具足巧方便 三十二相八十好

云何令我離女身

佛言善女人有巧方便得離女身能壞女業乃至得阿耨多羅三藐三菩提終不復受女人之身除其誓願巧方便者所謂寶幢陀羅尼門若有能修是陀羅尼得離女身淨身口意遠離三障若有聞是陀羅尼名即離女身受男子身得具足身微妙智慧淨身口意樂於善行具足多聞遠離惡業及受苦報能滅五逆無間重罪何以故如是寶幢陀羅尼者即是過去無量諸佛之所演說為破惡業增長善法故十方現在無量諸佛亦共說之為破惡業增善法故未來之世十方諸佛亦共說之為破惡業增善法故我今現在亦復宣說如是寶幢陀羅尼門十方現在無量諸佛悉共讚歎是陀羅尼善女人若刹利王所領國土若有如是陀羅尼名讚歎受持讀誦書寫其王則為十方現在諸佛世尊護念讚歎乃至阿迦尼吒諸天亦復護念而讚歎之是王行住坐臥之處亦有無量天龍夜叉悉共護念令其國土和安無諍無有疫病兵革不起無惡風雨不寒不熱穀米豐熟諸惡鬼神及惡禽獸悉懷喜心不生惡想隨是經典所住國土其土若有惡星不祥惡想惡病皆悉除滅若刹利王興兵攻伐專念是經能伏強敵令已得勝二王俱念則二兵和同不相侵害若有國土城邑村落人若畜生有疫病者當寫是持安著幢頭其土不祥疾疫悉皆除滅若有法師持戒精進月十五日淨自洗浴以妙香華供養三寶昇師子座讀陀羅尼是人能護所住國土所有惡相尋即消滅亦能調伏教化衆生得阿耨多羅三藐三菩提善女人若有人能讀誦此經乃至一偈如是之人終不復更受女人身亦得不退菩提之心爾時香功德佛說是陀羅尼已足指按地即時大地六種震動乃至十方亦復如是其中所有天龍夜叉以佛如來功德力故心生歡喜亦見亦聞說陀羅尼爾時如來說寶幢陀羅尼曰

閻落翅 閻落翅目翅 閻隸 閻羅閻憐泥 閻羅跋賴帝 閻醯隸波羅 富婁沙 三摩奢 阿摩彌 沈 摩彌 摩訶彌 閻摩彌 婆羅彌 婆娑毗 婆娑毗 婆娑毗 婆娑毗 婆羅訶 婆隸從 閻訶彌 婆羅訶 婆隸從 阿羅閻醯 閻闍目呿 婆沛羅 婆沛羅 私陀 跋賴坻 檀帝隸 檀帝羅 檀帝隸 修隸毗訶伽 旃陀毗 訶伽旃陀毗訶伽 斫呾 樹提沙毗訶伽 薩婆叉婁帝多凡 修羅毗訶迦 閻羅閻羅迦奢彌隸訶 奢

彌隸呵 奢彌隸呵 奢彌隸呵 奢彌隸呵 毗婆車陀羯摩 豆寧 豆寧 豆寧 溫摩 渥毗
婆車提 閼那吃栗多 阿訥婆陀隸 奴焉崛隸 多崛隸毗婆崛隸 究羅呵 因陀婆隸 婆訶那毗婆車陀
羯婆 遮婆坻 遮婆坻 遮婆坻 呵暮阿陀舍尼 婆隸跋坻 婆師久摩羯 摩樹坻 羯闍醯 闍醯樹坻
膩迦毗羅婆 毗羅婆 毗羅婆 毗羅婆 毗賴闍 毗賴闍 劫婆摩訶劫婆醯 利嚧隸嚧隸阿 那婆坻那婆坻
曇摩檀那闍那 阿婆羅彌隸施阿羅軍陀羅 波食毗婆坻那 帝隸婆凡羯摩叉覓婆羅咄頗婆 富婁沙多凡
阿三摩 三摩三摩 毗坻 若多陀 阿竭陀莎訶

爾時世尊。卽爲大眾說陀羅尼。五百姦女聞已。卽得男子之身。復有無量人天諸女。亦受男子身。及得不退菩提之心。永斷一切決定女業。善男子。爾時夫人聞是持已。所將八萬四千女人。亦轉女身得男子身。復有無量人天婦女。亦轉女身得男子身。爾時聖王。以四天下委付千子。與無量人出家修道。爾時復有無量諸天。各作是念。轉輪聖王。以何因緣。捨國出家。復相謂言。此界如來演說妙法。以法力故。女轉爲男。有人出家。能施袈裟爲諸白衣。說人天樂壞三惡苦滅。一切有摧諸魔業。令魔受苦。魔既受苦。不樂聽法。大幻師者。謂香功德沙門是也。復有說言。當知沙門卽是魔也。何以故。能轉女身得男子身。時有大臣名曰善行。作如是言。我諸婦女。悉爲男子。汝等無量妻妾諸女。亦捨本形。受男子身。剃除鬚髮。被著袈裟。咸皆歸向。屬彼沙門。唯我一己。獨住不往。我等當捨是國土去。永不見聞。是大惡人。爾時諸人聞是語已。唱言善哉。我今若欲不見不聞。遠離惡沙門者。當入深山。爾時諸人既入山已。捨家修集婆羅門法。作如是言。無有解脫無善惡果。此世今有一沙門出。宣說斷見。說於魔業。欺誑衆生。是大幻師。若人往見聽其所說。親近禮拜。供養恭敬。心卽狂亂。無所曉知。剃除鬚髮。被著袈裟。捨家所有。受乞食制。住於塚間。受一食法。於生死中生厭離想。不樂受於五欲之樂。及諸香華瓔珞伎樂。不樂宣說世間之事。具足如是。諸不善法。說斯斷見。行於魔業。是諸衆生之大怨讎。教化無量無邊衆生。令生斷見。若不見聞。得大利益。時華目比丘。聞無量人生大邪見。卽作是念。我若不能調伏。如是邪見衆生。云何當得阿耨多羅三藐三菩提。時華目比丘。卽便往請香功德佛。與無量比丘僧。周遍國土城邑聚落處處說法。所謂遠離惡法。修進善法。或說大乘。或緣覺乘。及聲聞乘。或沙門果。或比丘戒。或優婆塞戒。或說三歸。或

復演說轉女身法。或說寶幢陀羅尼門。或說十善。說是法時。破除無量衆生疑網。生於善心。發於阿耨多羅三藐三菩提心。令無量衆生來至佛所。唯除一人。善行大臣。向彼華目。發惡誓願。汝若未來成無上道。我當於汝成佛國土。而作惡魔。詣菩提樹。作大恐怖。若成佛已。當壞汝法。若我於汝生信心者。汝便當與我受記。荊諸善男子。爾時比丘。卽我身是。夫人善見。卽彌勒。是善行大臣。魔波旬。是波旬。汝於爾時。發是誓願。若於我所生信心者。當與受記。是故我今稱汝本願。與受阿耨多羅三藐三菩提記。波旬。汝於往昔香功德所。禮拜供養。以是善根。我今與汝授菩提記。說是法時。五百婬女。得男子身。無量衆生。以三乘法。而得調伏。

寶幢分中魔調伏品第三

爾時世界百億魔王。悉來集聚。至波旬所。波旬語諸魔王言。諸善男子。汝等知不。有釋種子。出現於世。作大幻術。六年苦行。趣菩提樹。我於爾時。將領三萬六千億衆。至於彼所。然我盡力。乃至不能動金剛座。爾時瞿曇。於菩提樹成就幻術。以幻力。故令此三千大千世界。六種震動。使我眷屬顛倒墮落。如樹拔根。當爾之時。釋子成就無相幻術。以幻力。故十方智人。悉皆歸屬。推求瞿曇所度衆生。心相所在。莫知其處。若有人能至心歸依。盡力不能動其一毛。不可誑惑。不可怖畏。我今婬女五百之衆。及諸眷屬。悉復歸向。而我不能遮止。動轉。汝等今者。福德弘大。多有幻力。若能有心見助。佐者。然後我能壞彼釋子。斷絕其命。亦能摧破諸歸依者。滅沙門法。增長魔業。爾時我當受無上樂。爾時有魔名曰。親近。卽作是言。彼釋子者。悉已成就無量功德。功德莊嚴。智慧莊嚴。不住諸有。悉能調伏一切衆生。能壞種種衆苦煩惱。身淨心淨。汝等不能起惡加害。波旬言。我諸眷屬。爲彼釋子之所誑惑。汝等若不作方便者。如是世界不久當空。復有魔言。如來不住一切諸有心淨身淨。遠離一切諸惡煩惱。於三界中。而得解脫。一切有爲不能繫縛。是故名爲無上寂靜。如是寂靜。誰能毀害。波旬言。若欲界中所有衆生。貪著五欲。歸釋子者。是人則能破壞四魔。是等惡人。若不治者。汝等云何能治欲界。復有魔言。彼釋子者。如幻如炎。不可宣說。無有處所。無諸障礙。如是之人。云何可害。波旬言。釋子於此欲界之中。受食供養。誑惑衆生。我當云何而不治耶。復有魔言。我今所有神通之力。及我眷屬神通之力。不及釋子神通之力。十六分中。一我當云何而能加害。波旬言。若彼瞿曇入城乞食。我當方便。令其終日不得一粒。當放大石。罵

辱使瞋。我唯一已猶望能辦。況於汝等多諸眷屬。復有魔言。設使造作如是等事。加彼釋子。不能令彼生瞋喜心。若不瞋喜云。何可害。波旬言。彼釋子者。有大智慧。以智力故。瞋處不瞋。喜處不喜。修集大慈大悲之心。於諸衆生平等無二。是故於我不生瞋喜。復有魔言。若爲三界所繫縛者。我則能害。彼釋子者。不爲三界之所繫縛。我何能害。波旬復言。汝等若能隨我計者。害彼不難。汝等悉作比丘比丘尼優婆塞優婆夷。像至諸國土城邑聚落。向諸國王大臣長者。作如是言。我等已屬沙門瞿曇。沙門瞿曇實非沙門。空言沙門。非婆羅門。虛自稱言。是婆羅門。實非持戒現持戒相。真實破戒。不異凡夫。汝等若信善哉善哉。如其不信。七日之後。當雨大石猛火利刀。作是言已。便當於空而降雨之。若作如是種種方便。瞿曇眷屬將壞不久。時諸魔王咸言善哉。爾時諸魔各自莊嚴莊嚴畢。已趣向鴛伽摩伽陀國。爾時波旬所有一切弊惡眷屬。悉莊嚴已。趣向雪山。時雪山中有一仙人。名曰光味。眷屬五百。悉具五通。波旬到已。頭面禮敬。作如是言。沙門瞿曇。悉壞一切。異見外道。處在大衆宣說是言。一切衆生中。實無沙門及婆羅門。大德若能與我俱至摩伽陀國。我則能壞沙門瞿曇。沙門瞿曇殊不能與大德論議。拘試神力。沙門瞿曇若摧滅已。一切衆生悉當恭敬供養於汝。爾時波旬作是語已。還來向於無量魔衆廣說上事。時有一魔復作是言。瞿曇沙門入王舍城乞食之時。我當於其中路。而作師子虎狼羅刹惡鬼等像。令彼見已。生怖畏心。既生怖畏。不能論議。現神通力。復有魔言。我當於彼虛空之中。降雨大石。壞破瞿曇。復有魔言。我當詐作瞿曇弟子。既爲弟子。當得親近。得親近已。當斷其命。復有魔言。我當現作長者之像。設食請之。彼若受請。我當害之。復有魔言。我當現作姪女之像。至諸王所。云彼瞿曇與我交通。復有魔言。我當至彼瞿曇沙門。現壞其身。而爲七分。汝等當言如此。屍者瞿曇所殺。復有魔言。我當於彼虛空之中。大聲唱言。沙門瞿曇是大惡人。若有男女供養之者。命終當生阿鼻地獄。爾時世尊知魔心已。變此三千大千世界。悉爲金剛。以遮石雨火雨刀雨。悉令衆生眼不覩見。如是魔業。爾時世尊四大弟子入王舍城次第乞食時。舍利弗從東門入。中路值遇五百魔子。執持刀杖。語舍利弗。汝若歌舞善哉善哉。如其不者。當斷汝命。舍利弗言。善哉童子。我今當歌汝等當舞。諸魔子言。善哉大德。時舍利弗卽說偈言。

我今不求陰界入 無量世中誑惑故 若有求於如是法 是人終不得解脫

時舍利弗說是偈已復說陀羅尼句

婆呵羅一婆呵羅二婆羅婆呵囉三摩利至婆羅呵四薩陀婆囉呵五阿摩婆呵囉六莎呵七

時舍利弗說是陀羅尼已五百魔子心得調伏得調伏已禮拜懺悔即作是言大德我今當發阿耨多羅三藐三菩提

心歸依三寶捨離一切惡之惡業爾時大德大目犍連從南門入中路亦值五百魔子手執刀杖語目連言汝若歌舞

善哉善哉如其不者當斷汝命目連答言善哉童子我今當歌汝等當舞諸魔子言善哉大德爾時目連即說偈言

我今不求陰界入 無量世中誑惑故 若有求於如是法 是人終不得解脫

時目犍連說是偈已復說此陀羅尼句

阿婆摩一阿婆摩二摩囉拏三囉闍四闍呵奢五摩咤六奢摩咤七奢摩咤八伽伽那婆摩九莎呵十

時目犍連說是陀羅尼已五百魔子心得調伏得調伏已禮拜懺悔即作是言大德我今當發阿耨多羅三藐三菩提

心歸依三寶捨離一切惡魔事業爾時彌多羅尼子從西門入中路亦值五百魔子執持刀杖語富樓那汝若歌舞善

哉善哉如其不者當斷如命富樓那言善哉童子我今當歌汝等當舞諸魔子言善哉大德時富樓那即說偈言

我今不求陰入界 無量世中誑惑故 若有求於如是法 是人終不得解脫

時富樓那說是偈已復說此陀羅尼句

呌竭婆一呌竭婆二呌竭婆三茂遮淳四茂遮淳五阿跋多尼六比跋多尼七莎呵八

時富樓那說是陀羅尼已五百魔子心得調伏得調伏已禮拜懺悔即作是言大德我今當發阿耨多羅三藐三菩提

心歸依三寶捨離一切惡魔事業時須菩提從北門入中路亦值五百魔子執持刀杖語須菩提大德汝若歌舞善哉

善哉如其不者當斷汝命須菩提言善哉童子我今當歌汝等當舞諸魔子言善哉大德時須菩提即說偈言

我今不求陰入界 無量世中誑惑故 若有求於如是法 是人終不得解脫

時須菩提說是偈已復說此陀羅尼句

娑茂提一比茂提二茂利蛇闍醯三思隸四思隸五思隸六婆思隸七婆思隸八啊婆思隸九復多拘置思隸十莎呵

時須菩提說是陀羅尼已。五百魔子心得調伏。得調伏已。禮拜懺悔。即作是言。大德。我今當發阿耨多羅三藐三菩提心。歸依三寶。捨離一切惡魔事業。爾時世尊神通力。故令王舍城所有衆生。一切皆見。百由旬地城四門中。各各皆有一大弟子。其城中出一大蓮花。縱廣滿足二十五丈。琉璃爲莖。黃金爲葉。金剛爲鬚。有無量葉。光明遠照。衆生皆見。高出三丈四天王處。乃至阿迦膩吒天處。亦如是見。高出三丈時。蓮華中說如是偈。諸天世人隨處皆聞。

此世界中一佛出。悉能摧伏一切魔。能轉無上妙法輪。調伏此間諸衆生。二足中尊能成就。

憂婆提舍拘律陀。能破二種煩惱根。佛欲來此調衆生。了知三世如掌果。具足三戒所說淨。

遠離三垢慙一切。佛欲來此調衆生。具足如意無所畏。調伏四衆說四果。常樂說法真實義。

聖師子王爲我來。具足五力及五根。成就功德無礙智。無上世尊爲衆生。修悲拔出三惡衆。

調伏六根得上信。遠離六入修六念。具足六通真實語。世尊欲來調衆生。一切衆生煩惱縛。

處闇不知解脫道。常行魔路不知實。貪著顛倒失智慧。不知此彼及生死。貪五欲故遠離禪。

是故不能得解脫。不能修道報昔善。衆生不知生老死。是故不修三解脫。遠離一切施戒慧。

是故不出三惡道。衆生若離五欲樂。親近如來聽正法。至心受持一偈義。是人解脫如先佛。

又復偈音聞於色界十六住處。

若有修集清淨法。遠離諍訟修禪定。至心專念諸解脫。無有散亂壞煩惱。獲得十三忍辱法。

遠離惡觸及亂心。出過一切生老死。修四無量諸禪定。永斷常見及斷見。過三惡道得正定。

深觀無常無我樂。獲隨法忍如先佛。若欲捨樂如涕唾。觀一切空行無異。淨於法界及菩提。

於法無礙如虛空。能壞四魔滅煩惱。修集正道諸方便。不畏邪見如師子。當親如來則獲之。

出如是等偈音聲時。無量衆生趣蓮華所。爾時波旬耳聞是偈。又見王舍城中蓮華。無量衆生悉坐其下。次第乃至阿迦膩吒。亦復如是。受大苦惱。告諸魔言。諦聽諦聽。瞿曇沙門作大幻術。汝等不能造作魔業。不久當失所居之處。汝等